

SUNNFJORD MILJØVERK IKS

ÅRSMELDING 2017

Verksemdas art og plassering

Sunnfjord Miljøverk IKS har som formål å drive med innsamling og transport av alle avfallstypar etter nærare avtale med kommunane. Deltakande kommunar er Askvoll, Fjaler, Førde, Gaular, Hyllestad, Jølster og Naustdal. Selskapet har hovudkontor og forretningsadresse i Førde.

Rettvis oversikt over utvikling og resultat

Selskapet har hatt ein omsetningsreduksjon på 0,86 %. Resultatgraden er på – 38,27 %, noko som er ein reduksjon frå i fjor på – 44,23 %. Selskapet har ein eigenkapitaldel på 68,02 %, og likviditeten er god. Utviklinga i omsetnad, resultatgrad og eigenkapitaldel er delvis styrt og som forventa idet ein har fondsavsetjingar på slam og renovasjon som skal førast tilbake til abonnentane.

Styret meiner at årsrekneskapen gir eit rettvisande bilde av selskapets eignelutar og gjeld, finansielle stilling og resultat.

Sentrale risiki og usikkerheitsfaktorar

Kompost/slam.

Etter tilsyn i 2017 vart SUM pålagt å komme med forslag til behandlingssløysing for kompost som ikkje var forskriftsmessig lagra. SUM har vore i dialog med fylkesmannen om etablering av bioceller for handtering av kompostlageret, og vi anslår denne løysinga som den mest sannsynlege behandlingssløysinga. Biocellene vil bli mellombelse med ei anslått brukstid på 6–10 år. Undervegs i driftsfasen vi det bli tatt prøvar av cellene for å avklare vidare behandling av kompostlageret.

Etablering av bioceller er kostnadsrekna til 12,4 millionar. Kostnadane er basert på erfaringstal frå sist SUM utvida deponiet, kostnadar med tidlegare utkøyring av kompost samt anslått timebruk for diverse maskinarbeid og rådgjeving. Vi ser i dag for oss tre ulike løysingar når biocellene blir opna opp.

1. Innhaldet kan behandlast vidare for så å bli nytta som kompost.
2. Innhaldet kan ikkje nyttast til kompost og må sendast til forbrenning eller anna sluttbehandling.
3. Innhaldet kan ikkje nyttast til kompost eller er eigna for annan behandling og må deponerast på SUM sitt deponi.

Det er i dag ikkje mogleg å seie noko om kva alternativ som er mest sannsynleg. Prøvar som blir tatt frå biocellene i driftsfasen vil sei noko om kva for endringar massane gjennomgår, og først etter nokre år vil vi kunne avklare kva for behandling som er mogleg når biocellene skal avsluttast.

Innsamling av plast og matavfall.

27.02.18 ber Stortinget Regjeringa pålegge kommunar og næringsaktørar utsortering og materialgjenvinning av plast- og matavfall. Usikkerheita ligg i kva tidsaspekt regjeringa vil

vedta og krav til kvar sorteringa skal finne stad (sentralsortering eller ute hjå kundane/abonntane).

Finansiell risiko

Finansiell risiko er knytt opp mot utfordringane i førre avsnitt. Kommunane vel sjølv løysing på kommunale tenester i sitt selskap, og garanterer for selskapa så lenge dei ser seg tent med dette.

Forsknings- og utviklingsaktivitetar

Selskapet driv ikkje med forsknings- og utviklingsaktivitetar.

Fortsatt drift

Årsrekneskapen for 2017 er sett opp under føresetnad av fortsatt drift. Det vert stadfesta at grunnlag for fortsatt drift er til stades.

Arbeidsmiljø

Sjukefråværet i selskapet var på totalt 143 dagar i 2017, noko som utgjorde 5,73 % av total arbeidstid. Styret ser dette som tilfredsstillande, men vil fortsette arbeidet med å redusere tal sjukedagar.

Helsekartlegging med fokus på psykososialt miljø vart gjennomført av bedriftshelsetenesta hausen 2017.

Det har ikkje komme fram eller blitt rapportert alvorlege arbeidsuhell eller ulykker i løpet av året, som har resultert i store materielle skader eller personskadar.

Arbeidsmiljøet blir sett på som godt, og det blir sett i verk løpande tiltak for forbetringar.

Likestilling

Selskapet har pr. utgangen av året 10 tilsette, av desse er 1 kvinne (10 %). Selskapet har 1 tilsett i deltidsstilling: ein mann i variabel deltid /tilkallingsvikar. Selskapet har som policy at arbeid av lik verdi skal gi lik lønn.

Tiltak for å hindre diskriminering mv.

Bedrifta arbeider aktivt for å fremme likestilling, sikre like moglegheiter og rettar og hindre diskriminering på grunn av etnisitet, nasjonal opphav, avstamming, hudfarge, språk, religion og livssyn. For å bidra til dette, har bedrifta mellom anna etablert rutinar for rekruttering, der søkarar frå underrepresenterte grupper blir oppmoda til å søke. Det er også gjennomført ein gjennomgang av kriteria for karriereutvikling og leiarstillingar i bedrifta.

Ytre miljø

Selskapets verksemd er regulert av:

Forskrift om gjenvinning og behandling av avfall (Avfallsforskrifta)

Løyve etter ureiningslova for handtering av avfall mm på Hesjedalen Avfalls plass frå

Fylkesmannen, sist endra 3 juli 2015.

Selskapet har i 2017 oppretta ein gruppe med fokus på ytre miljø. Gruppa har fokus på støy, lukt og flygeavfall. Det er oppretta ein tovegs informasjonskanal med grannar for varsling og innkalling til møter.

Utgreiing om årsrekneskapen og resultatdisponering

Etter styret si meining gir framlagt resultatrekneskap og balanse med notar eit uttrykk for verksemda sitt resultat for 2017 og økonomiske stilling ved årsskiftet.

Det er ikkje inntrådt forhold etter rekneskapsårets slutt som er av betydning for bedømmelsen av rekneskapen.


Verksemda har for 2017 hatt eit underskot på kr 15.108.886,-, som blir foreslått anvendt ved:

Reduksjon i abonnentanes sjølvkostfond for renovasjon kr 3.520.536,-
Reduksjon i abonnentanes sjølvkostfond for slam kr 7.511.187,-
Reduksjon i annan eigekapital kr 4.077.163,-

Førde, 23/3-2018


Oddmund Klakegg
styrets leder



Henning Tjørhom
daglig leder



Frida Melvær
styremedlem



Anne-Britt Øyra
styremedlem


Geir Helge Norstrand
styremedlem


Grim Erik Gillestad
styremedlem


Marius Langballe Dalin
styremedlem


Signe Eimhjellen Mehl
styremedlem


Stig Robert Nerem Moltumyr
styremedlem

6